



TOSHKENT DAVLAT YURIDIK UNIVERSITETI REKTORINING B U Y R U G ' I

20.11.2024

826-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksida belgilangan me'yorlarni buzish holatlari kuzatilmoqda. Xususan, Xususiy huquq fakulteti 4-kurs talabasi Abdurazzoqov Bobur Shavkat o'g'li dekanat xodimlarini chalg'itib, ularga 2022-2023 o'quv yilida Xalqaro ommaviy huquq fanidan intensiv kursda o'qimaganligi to'g'risida yolg'on ma'lumot bergan. Talaba ushbu xatti-harakatlari orqali 2022-2023 o'quv yilida aslida intensiv kursda o'qigan va imtihonlaridan qoniqarsiz baho olgan Xalqaro ommaviy huquq fani uchun intensiv to'lovlarini amalga oshirmasdan, qarzdorlar ro'yxatidan shu yo'l orqali chiqishni reja qilgan.

Talaba mazkur xatti-harakatlari bilan ushbu maqsadni ko'zlaganligini o'z tushuntirish xatida tasdiqlagan. Talaba bundan avval ham bir necha bor dekanatga yolg'on ma'lumotlar taqdim etib kelgan.

Ushbu harakatlari bilan talaba Abdurazzoqov Bobur Shavkat o'g'li Universitet Odob-axloq kodeksi 17-moddasining o'n ikkinchi xatboshi (xodimlar, talabalar va doktorantlar tomonidan soxta ma'lumot va hujjatlarni taqdim etish va qabul qilish), 26-moddasining o'n to'qqizinchi xatboshi (haqiqatni gapirishga, rahbarlar va boshqa xodimlarni chalg'itmaslikka) talabalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti

Odob-axloq kodeksi hamda talabaning tushuntirish xatiga asosan

BUYURAMAN

1. Xususiy huquq fakulteti 4-kurs talabasi Abdurazzoqov Bobur Shavkat o'g'liga Odod-axloq kodeksi 17-moddasining o'n ikkinchi xatboshi va 26-moddasining o'n to'qqizinchi xatboshi talablarini buzganligi uchun hayfsan e'lon qilinsin.

2. Fakulteti dekani (B.Musayev):

ushbu buyruq bilan fakultet talabalarini tanishtirsin;

hayfsan e'lon qilingan talabaning shaxsiy yig'ma jildiga buyruq nusxasi tikilishini ta'minlasin;

ikki marotaba hayfsan berilgandan keyin talaba tomonidan yana o'quv intizomini va TDYU tomonidan o'rnatilgan ichki tartib-qoidalarini buzilganda talabani talabalar safidan chetlashtirish mumkinligi to'g'risida ogohlantirsin;

fakultet talabalari o'rtasida ushbu buyruqning mazmun mohiyati, ichki tartib qoidalarini buzish oqibatlarini haqida tushuntirish ishlari o'tkazilishini ta'minlasin.

3. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

